



CPV 66510000

ჯანმრთელობის და სიცოცხლის დაზღვევა

სატენდერო დოკუმენტაცია

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონისა და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების საფუძველზე

თბილისი 2016

სატენდერო დოკუმენტაცია

1. პრესკურანტის სავარაუდო ღირებულება: 70 (სამოცდაათი) ლარი.

1.1. შესყიდვის ობიექტის სავარაუდო სახელშეკრულებო ღირებულებაა 33600 (ოცდაცამეტი ათას ექვსასი) ლარი

2. ტექნიკური დავალება:

- დაუშვებელია ინდივიდუალური სადაზღვევო მომსახურებათა პაკეტის ლიმიტების და პირობების გაუარესება, ასევე სხვა პირობების დარღვევა ან/და გაუარესება.
- პრეტენდენტის მიერ სისტემის მეშვეობით წარდგენილი წინადადების ფასი არ უნდა აღემატებოდეს პრესკურანტის სავარაუდო ღირებულებას და ელექტრონული ვაჭრობის შედეგად ფასის კლება შესაძლებელია განხორციელდეს მხოლოდ პრესკურანტის სავარაუდო ღირებულებასთან მიმართებაში. პრესკურანტის სავარაუდო ღირებულებაა ინდივიდუალური პაკეტის ღირებულება და შეადგენს 70 (სამოცდაათი) ლარს.
- დასაზღვევ თანამშრომელთა საორიენტაციო რაოდენობა 40.
- მომსახურების გაწევის პერიოდი - 2017 წლის პირველი იანვრიდან 2017 წლის 31 დეკემბრის ჩათვლით.
- სადაზღვევო ბარათების მიწოდება უნდა განხორციელდეს ხელშეკრულების გაფორმების შემდეგ, შემსყიდველის მოთხოვნიდან 5 (ხუთი) სამუშაო დღის ვადაში.
- სადაზღვევო შენატანის (პრემიის) გადახდა მოხდება უნაღდო ანგარიშსწორების გზით ყოველთვიურად ან ყოველკვარტალურად, მზღვევლის მიერ მომსახურების ღირებულების დამადასტურებელი დოკუმენტის წარმოდგენიდან 10 (ათი) დღის ვადაში.
- პრეტენდენტის მიერ წარმოდგენილი სატენდერო დოკუმენტაცია ხელმოწერილი უნდა იყოს უფლებამოსილი პირის მიერ.
- პრეტენდენტმა უნდა უზრუნველყოს გაუმჯობესებული სადაზღვევო მომსახურებათა პაკეტების შეთავაზება.
- დაზღვეული უფლებამოსილია საკუთარი თანხის დამატებით, შეარჩიოს სადაზღვევო მომსახურებათა გაუმჯობესებული პაკეტი.
- ინდივიდუალური, გაუმჯობესებული სადაზღვევო მომსახურებათა პაკეტის საფასურის გადახდა განხორციელდება თანამშრომლის ხელფასიდან. თანხის გადარიცხვას უზრუნველყოფს შემსყიდველი.
- საოჯახო პაკეტის არჩევის შემთხვევაში ეზღვევა მეუღლე 65 წლამდე და შვილები 0 დან 21 წლამდე.
- საოჯახო პაკეტზე სადაზღვევო პრემიის თანხა არ უნდა აღემატებოდეს მოსარგებლე თანამშრომლის ინდივიდუალური პაკეტის თანხას X 2,8-ზე მეტით.
- ოჯახის წევრები - მეუღლე, შვილები (რაოდენობის შეუზღუდავად).
- დაზღვეულს სურვილის შემთხვევაში უფლება უნდა ჰქონდეს დააზღვიოს შვილები 21 წელზე ზემოთ საკუთარი ხარჯებით.
- ხელშეკრულების მოქმედების მთელი პერიოდის განმავლობაში შემსყიდველს უნდა ჰქონდეს თანამშრომლების და ახალი ოჯახის წევრების (რაოდენობის და დამატება-გამოკლების თარიღის მიუხედავად) იგივე პირობებით დამატების და გამოკლების შესაძლებლობა. აღნიშნული უნდა განხორციელდეს შეტყობინების საფუძველზე, შეტყობინების მიღებიდან შემდეგი საანგარიშო თვის დასაწყისიდან.

- დაზღვეული უფლებამოსილია სპეციალური მიმართვისა და შეტყობინების გარეშე ისარგებლოს სამედიცინო მომსახურებით, როგორც პროვაიდერ ასევე არაპროვაიდერ ლიცენზირებულ სამედიცინო დაწესებულებაში.
- შემოთავაზებული ინდივიდუალური პრემია უნდა მოიცავდეს მომსახურების სრულყოფილად გაწევასთან დაკავშირებულ ყველა ხარჯს, მათ შორის სამედიცინო სადაზღვევო ბარათების დამზადების და მიწოდების ღირებულებას.
- პრეტენდენტ კომპანიას უნდა გააჩნდეს პროვაიდერი სააფთიაქო ქსელი.
- პირადი ექიმის მომსახურების მიღება შესაძლებელი უნდა იყოს შაბათ –კვირის ჩათვლით.
- დაზღვეულის გარდაცვალების შემთხვევაში მზღვეველს უნდა ეცნობოს გარდაცვალების ცნობის გაცემიდან არაუგვიანეს 10 კალენდარული დღის ვადაში.
- სამედიცინო დაწესებულებების თავისუფალი არჩევანი.
- ანაზღაურების მისაღებად წარსადგენი დოკუმენტაცია:
 - 1) სამედიცინო დოკუმენტაცია - ცნობა ჯანმრთელობის მდგომარეობის შესახებ და/ან საკონსულტაციო ჩანაწერი, მედიკამენტების შეძენის შემთხვევაში ამონაწერი სააფთიაქო ქსელიდან;
 - 2) ფინანსური დოკუმენტაცია - სალაროს შემოსავლის ორდერი, გადახდილი ქვითარი; საჭიროებისამებრ: ინვოისი, ხარჯთაღრიცხვა; ტერმინალით გადახდის შემთხვევაში, ტერმინალის ჩეკი და გადახდის დამადასტურებელი ცნობა.
 - 3) პირადობის დამადასტურებელი მოწმობა;
- თანამშრომლის დაზღვევის გაუქმება უნდა განხორციელდეს შემსყიდველსა და თანამშრომელს შორის შრომითი ურთიერთობის შეწყვეტის შემთხვევაში და დაზღვევა უნდა გაუქმდეს ყოველგვარი დამატებითი გადასახადისა და ჯარიმების გარეშე. დაზღვევის გაუქმება უნდა განხორციელდეს შემსყიდველის შეტყობინების მიღების საფუძველზე, შეტყობინების მიღებიდან შემდეგი საანგარიშო თვის დასაწყისიდან.
- დაზღვეულის ოჯახის წევრს, რომელსაც სადაზღვევო პაკეტში მითითებული ზღვრული ასაკი შეუსრულდება, მზღვეველი ვალდებულია სადაზღვევო მომსახურება შეუნარჩუნოს იგივე პირობებით მიმდინარე ხელშეკრულებით განსაზღვრული “მომსახურების” ვადის ამოწურვამდე.
- ზარალის ანაზღაურება (არაპროვაიდერი კლინიკის არჩევის შემთხვევაში) უნდა მოხდეს შემდეგნაირად: ა) 500 ლარამდე – დოკუმენტების სადაზღვევო კომპანიაში წარდგენის დღესვე; ბ) 500 ლარის ზევით – დოკუმენტების სადაზღვევო კომპანიაში წარდგენიდან არაუგვიანეს 10 სამუშაო დღისა.
- თანხა ეძლევა მხოლოდ მოსარგებლეს. გამონაკლის შემთხვევებს წარმოადგენს:
 1. არასრულწლოვანი პირი, რომლის მომსახურების თანხაც ეძლევა ერთ-ერთ მშობელს.
 2. უმწეო მდგომარეობაში მყოფი დაზღვეული, რომლის მომსახურების თანხაც ეძლევა დაზღვეულის ოჯახის წევრს (მშობელი, მეუღლე, შვილი).

სხვა პირობები

- ორსულობა/მშობიარობა მოცდის პერიოდის გარეშე;
- კარდიოქირურგიული (სტენტირება, შუნტირება) მკურნალობის ხარჯების ანაზღაურება;
- ხელშეკრულების ძალაში შესვლამდე არსებული ჯანმრთელობის პრობლემების და მათი გართულების ხარჯების ანაზღაურება;
- ფასდაკლებები საცურაო აუზებზე, ფიზიოთერაპიაზე გამაჯანსაღებელ, სილამაზისა და ესთეტიკური მედიცინის ცენტრებზე.
- სადაზღვევო შემთხვევის დადგომის შემთხვევაში, სრული მომსახურების მიღება შესაძლებელი უნდა იყოს თბილისში, ბათუმში, ქუთაისში, ფოთში.

დასაშვებია, რომ მზღვეველმა არ აანაზღაუროს შემდეგი მოვლენებით/გარემოებებით განპირობებული ჯანმრთელობის მდგომარეობის გაუარესებასთან დაკავშირებული სამედიცინო მომსახურების ხარჯები:

განზრახ თვითდაშავება, თვითმკვლელობის მცდელობა, კრიმინალურ (კანონსაწინააღმდეგო) აქტში მონაწილეობა, თავისუფლების აღკვეთის პერიოდში ჯანმრთელობის მდგომარეობის გაუარესება, ნარკოტიკული და ტოქსიური ნივთიერებების ზემოქმედება, ასევე ამ ნივთიერებათა და ალკოჰოლურ ნივთიერების ზემოქმედების ქვეშ ყოფნისას ავტოსატრანსპორტო საშუალებების მართვისას მომხდარი ავტოსაგზაო შემთხვევა, ნებისმიერი სახის პროფესიულ სპორტში მონაწილეობა.

შემდეგ დაავადებებთან ან/და მათ გართულებებთან დაკავშირებული სამედიცინო მომსახურების ხარჯები (გარდა გეგმიური ამბულატორიული მომსახურების დიაგნოსტიკის შემდეგი სერვისებისა მზღვეველის მიერ მითითებულ ერთ-ერთ კლინიკაში: სპეციალისტის კონსულტაცია, ინსტრუმენტული და ლაბორატორიული კვლევები): ალკოჰოლიზმი, ტოქსიკომანია, ნარკომანია, თანდაყოლილი ან/და გენეტიკური დაავადებები, სექსუალური დარღვევები, რეპროდუქციული ფუნქციის დარღვევა, აივ-ინფექცია, შიდსი, ჰეპატიტები (გარდა A ტიპისა) (ნებისმიერი ფორმისა და სტადიის, გარდა პირველადი სასკრინინგო დიაგნოსტიკისა, რომელიც ითვალისწინებს ექიმის კონსულტაციასა და სწრაფ-მარტივ ტესტს), უპირატესად სქესობრივად გადამდები დაავადებები, მათ შორის ვულვოვაგინალური კანდიდიოზი, ბაქტერიული ვაგინოზი/ურეთრიტი (გარდა პირველადი სასკრინინგო დიაგნოსტიკისა, რომელიც ითვალისწინებს: ექიმის კონსულტაციასა და ნაცხის ანალიზს), სექსუალური დარღვევები, ფსიქიური დაავადებები, ტუბერკულოზი, სისტემური დაავადებები; გაფანტული და ამიოტროფული სკლეროზი, ეპილეფსია, სარკოიდოზი, სისხლისა და სისხლმზადი ორგანოების ქრონიკული დაავადებები; გულ-სისხლძარღვთა სისტემის, სისხლის მიმოქცევის სისტემის, ფარისებრი ჯირკვლის დაავადებები, თირკმლების ქრონიკული უკმარისობა (გარდა მწვავე შემთხვევაში ჰოსპიტალში კონსერვატიული მკურნალობისა); კანისა და ფრჩხილის სოკოვანი დაავადებები, ფსორიაზი, სეპორეა, ეგზემა, აკნე; შაქრიანი და უშაქრო დიაბეტი (გარდა მწვავე შემთხვევაში ჰოსპიტალში კონსერვატიული მკურნალობისა); ცხვირის მგიდის გამრუდება და ნიჟარების ჰიპერტროფია;

შემდეგი მომსახურებების/პროცედურების ხარჯები: ექსპერიმენტული და არატრადიციული მედიცინა; სამედიცინო თვალსაზრისით არამიზანშეწონილი და სამედიცინო ჩვენების გარეშე ჩატარებული მომსახურება, ექსკლუზიური/დამატებითი სამედიცინო და ნებისმიერი მომსახურება, რომელიც არ უკავშირდება სამედიცინო სერვისს, აყვანილი/მოწვეული ექიმის ჰონორარი; აცრების (ვაქცინაცია, იმუნიზაცია - გარდა გადაუდებელი შემთხვევებისას ანტირაბიული ვაქცინისა და ანტიტეტანური შრატისა), ნებისმიერი სახის სამედიცინო ცნობის მიღებისთვის საჭირო გამოკვლევა, სანატორიული და ბალნეოლოგიური მკურნალობა, სამკურნალო ვარჯიშები, სამედიცინო მასაჟები, ფიზიოპროცედურები, კოსმეტიკური და პლასტიკური ქირურგია, წონის კორექცია, მხედველობის კორექცია (მათ შორის ექსიმერული ლაზერით), პროთეზირება, ტრანსპლანტაცია, ხელოვნური განაყოფიერება, სტერილიზაცია, კონტრაცეფცია, სანაყოფე სითხის დიაგნოსტიკა, ნებისმიერი სახის გენეტიკური კვლევა, ტონზილექტომია, ადენექტომია; ფსიქოთერაპევტი, ფსიქოანალიტიკოსი, ლოგოპედი; საქართველოში აღებული გამოსაკვლევი მასალის საზღვარგარეთ გაგზავნა და გამოკვლევა, გარდა ქვემოთ მოყვანილი შემთხვევებისა:

ა) თუკი სათანადო გამოკვლევა საქართველოში ტარდება, მაგრამ დაზღვეულს მაინც აქვს სურვილი მასალის საზღვარგარეთ გაგზავნისა და გამოკვლევის, მომსახურების ხარჯები ანაზღაურდება საქართველოში არსებული ფასების მიხედვით – გეგმიური ამბულატორიული მომსახურების ლიმიტისა და თანაგადახდის გათვალისწინებით;

ბ) თუკი სათანადო გამოკვლევა საქართველოში ვერ ტარდება, მომსახურების ხარჯები ხარჯები საქართველოში არსებული მსგავსი, ან მასთან მიახლოებული კვლევების საშუალო ფასით - გეგმიური ამბულატორიული მომსახურების ლიმიტისა და თანაგადახდის გათვალისწინებით.

ასევე არ ანაზღაურდება შემდეგი საშუალებების შეძენასთან დაკავშირებული ხარჯები: არარეგისტრირებული მედიკამენტები, ბიოლოგიურად აქტიური საკვები დანამატები, ჰიგიენისა და მოვლის საშუალებები, დამხმარე და მაკორეგირებელი საშუალებები, გადასახვევი მასალები, შაქრის შემცველები, ფსიქოტროპული პრეპარატების, სისტემური ენზიმოთერაპია, იმუნორეგულატორული მედიკამენტები, პროთეზები;

ნებისმიერი სხვა (სახელმწიფო და არასახელმწიფო) სამედიცინო/ჯანდაცვის პროგრამებით თუ დაზღვევით გათვალისწინებული დაავადებების მკურნალობის ხარჯების ის ნაწილი, რაც ანაზღაურდება შესაბამისი პროგრამით/დაზღვევით იმ სამედიცინო დაწესებულებაში, სადაც მოქმედებს შესაბამისი პროგრამა.

3. შესყიდვის ობიექტი

დანართი № 1

შემოთავაზებული პაკეტის აღწერილობა (მინიმალური პირობები)

მომსახურებათა ჩამონათვალი	დაფარვა -%	ლიმიტი
24 საათიანი სატელეფონო სამედიცინო მომსახურება	100%	ულიმიტო
ექიმის 24 საათიანი სატელეფონო კონსულტაცია	100%	ულიმიტო
პირადი ექიმის მომსახურება	100%	ულიმიტო
პროფილაქტიკური გამოკვლევები	100%	წელიწადში ორჯერ
სასწრაფო სამედიცინო მომსახურება	100%	ულიმიტო
ჰოსპიტალური მომსახურება უბედური შემთხვევის გამო	100%	15000 ლარი
გადაუდებელი ჰოსპიტალური მომსახურება	100%	15000 ლარი
გეგმიური ჰოსპიტალური მომსახურება (მათ შორის საზღვარგარეთ)	100%	12000 ლარი
გადაუდებელი ამბულატორიული მომსახურება	100%	ულიმიტო
გეგმიური ამბულატორიული	100%	2500 ლარი

მომსახურება (მათ შორის საზღვარგარეთ)		
მედიკამენტები	90%	2500 ლარი
მედიკამენტები (მინიმუმ ერთ სააფთიაქო ქსელში)	100%	
ორსულობა/შობიარობა	100%	1500 ლარი
გადაუდებელი სტომატოლოგია	100%	ულიმიტო
გეგმიური სტომატოლოგიური მომსახურება კონტრაქტორ კლინიკებში	90%	2200 ლარი
გეგმიური სტომატოლოგიური მომსახურება არაკონტრაქტორ კლინიკებში	40%	
ორთოპედიული სტომატოლოგიური მომსახურება	20%	ულიმიტო
ორთოდონტიული სტომატოლოგიური მომსახურება	20%	ულიმიტო
რთული სამედიცინო შემთხვევების მართვა	100%	ულიმიტო
სამოგზაურო დაზღვევა თანამშრომლებისთვის	ერთი თვე 50000 აშშ დოლარი	
სიცოცხლის დაზღვევა თანამშრომლებისთვის	10000 ლარი	

სადაზღვევო პირობებით გათვალისწინებულ მომსახურებათა განმარტებები:

- **24 საათიანი სატელეფონო სამედიცინო მომსახურება** - ითვალისწინებს სადღეღამისო სატელეფონო სადაზღვევო კონსულტაციას, მიმდინარე სამედიცინო დაზღვევასთან დაკავშირებულ პრობლემატური საკითხების მოგვარებას, სამედიცინო მომსახურების ორგანიზებას.
ექიმის 24 საათიანი სატელეფონო კონსულტაცია - ითვალისწინებს ექიმის სადღეღამისო სატელეფონო კონსულტაციას.
- **პირადი ექიმი** – ითვალისწინებს პირადი ექიმის (ზოგადი პრაქტიკის ექიმი და/ან პედიატრის) მომსახურების - კონსულტაცია, ჯანმრთელობის მუდმივ მეთვალყურეობა, საჭიროების შემთხვევაში მიმართვებითა და დანიშნულებით უზრუნველყოფა.
- **პროფილაქტიკური გამოკვლევები** - ითვალისწინებს სამედიცინო ჩვენების გარეშე ჯანმრთელობის სამედიცინო შემოწმების მიზნით ელექტროკარდიოგრაფიის, სისხლის საერთო ანალიზისა და შარდის საერთო ანალიზის ღირებულების ანაზღაურებას.
- **სასწრაფო სამედიცინო დახმარება** – ითვალისწინებს სამედიცინო ჩვენებით გადაუდებელი სამედიცინო დახმარების ბრიგადის გამოძახების, ადგილზე სამედიცინო მომსახურების, საჭიროების შემთხვევაში დაზღვეულის ვიტალური ფუნქციების შენარჩუნების მიზნით შემთხვევის ადგილიდან სამედიცინო დაწესებულებაში ტრანსპორტირების ღირებულების ანაზღაურებას.
- **ჰოსპიტალური მომსახურება** (მკურნალობა, რომლის დროსაც ჰოსპიტალში დაყოვნება აღემატება ერთ საწოლდღეს):

- **ჰოსპიტალური მომსახურება უბედური შემთხვევის გამო** - ითვალისწინებს სადაზღვევო პერიოდის განმავლობაში გარეშე ძალის (ფიზიკური, მექანიკური, თერმული, ქიმიური) ზემოქმედების შედეგად ჯანმრთელობის მდგომარეობის გაუარესებისას იმ სამედიცინო ღონისძიებების (მედიკამენტები, დიაგნოსტიკური მანიპულაციები, თერაპიული და ქირურგიული მკურნალობა, სტანდარტული და/ან რეანიმაციული პალატის ხარჯები) ღირებულების ანაზღაურებას, ზარათის შესაბამისად, რომელთა 24 საათზე მეტი ხნით გადავადება იწვევს დაზღვეულის სიკვდილს ან დაინვალიდებას.
- **გადაუდებელი ჰოსპიტალური მომსახურება** - ითვალისწინებს სადაზღვევო პერიოდის განმავლობაში დაზღვეულის ჯანმრთელობის მდგომარეობის გაუარესებასთან დაკავშირებული სამედიცინო ღონისძიებების (მედიკამენტები, დიაგნოსტიკური ღონისძიებები, თერაპიული და ქირურგიული მკურნალობა, სტანდარტული და/ან რეანიმაციული პალატის ხარჯები) ღირებულების ანაზღაურებას, ზარათის შესაბამისად, რომელთა 24 საათზე მეტი ხნით გადავადება იწვევს დაზღვეულის სიკვდილს. უბედური შემთხვევის გამო ორსულობის შეწყვეტის ან საშვილოსნოს გარე ორსულობისას საჭირო სამედიცინო მომსახურების ხარჯები ანაზღაურდება გადაუდებელი ჰოსპიტალური ან ამბულატორიული (ჰოსპიტალში დაყოვნების ხანგრძლივობის მიხედვით) მომსახურების მუხლის შესაბამისად.
- **გეგმიური ჰოსპიტალური მომსახურება** - ითვალისწინებს შესაბამისი სამედიცინო ჩვენებისას ექიმის მიერ დანიშნული ჰოსპიტალური (მედიკამენტები, დიაგნოსტიკური მანიპულაციები, თერაპიული და ქირურგიული მკურნალობა, სტანდარტული პალატის ხარჯები 1) მომსახურების ღირებულების ანაზღაურებას.
- **ამბულატორიული მომსახურება** (სამედიცინო დაწესებულებაში დაყოვნება ერთი საწოლდღე და ნაკლებად):
- **გეგმიური ამბულატორიული მომსახურება** - ითვალისწინებს სამედიცინო ჩვენებისას სპეციალისტის კონსულტაციის, ინსტრუმენტული და ლაბორატორიული გამოკვლევების, ამბულატორიული მანიპულაციების, ქირურგიული მკურნალობის სამედიცინო ხარჯების ღირებულების ანაზღაურებას.
- **გადაუდებელი ამბულატორიული მომსახურება** - ითვალისწინებს ქვემოთ ჩამოთვლილი სიით განსაზღვრული შემთხვევების დროს საჭირო სამედიცინო მომსახურების (სპეციალისტის კონსულტაცია, ინსტრუმენტული და ლაბორატორიული გამოკვლევები, ამბულატორიული მანიპულაციები, მედიკამენტები) ღირებულების ანაზღაურებას, რომელიც დაზღვეულს უნდა გაეწიოს შემთხვევის დადგომიდან პირველი 24 საათის განმავლობაში.
- **პოზიტიური სიით განსაზღვრული შემთხვევები, რომელიც ანაზღაურდება:**
გარეშე ძალის (ფიზიკური, მექანიკური, თერმული, ქიმიური) ზემოქმედების შედეგად სხეულის დაზიანება;
გულის რითმის დარღვევები – ექიმის კონსულტაცია, ეკგ, რითმის სტაბილიზაცია;
ინტოქსიკაცია (ექიმის კონსულტაცია, დეზინტოქსიკაცია/ინფუზიური თერაპია, ლაბორატორიული კვლევები);
ჰიპერტონული კრიზი (ექიმის კონსულტაცია, ელექტროკარდიოგრაფია, არტერიული წნევის სტაბილიზაცია);
სისხლდენა (ექიმის კონსულტაცია, ტამპონადა, კოაგულანტები);
თირკმლის, აბდომინური, ნაღველ-კენჭოვანი კოლიკა (ექიმის კონსულტაცია, სისხლის და შარდის საერთო ანალიზები, ექოსკოპია, ი/ვ ინფუზია, ანალგეზიური და სპაზმოლიზური საშუალებები)

ბრონქული და კარდიალური ასთმის სტატუსი (ექიმის კონსულტაცია, მედიკამენტოზური თერაპია, შეტევის კუპირება);

მწვავე/სიცოცხლისათვის საშიში ალერგიული რეაქცია (ექიმის კონსულტაცია, ანტიალერგიული მკურნალობა).

- **მედიკამენტები** - ითვალისწინებს სამედიცინო ჩვენებით, ამბულატორიული მკურნალობის მიზნით, ნებისმიერი ლიცენზირებული ექიმის მიერ დანიშნული რეგისტრირებული მედიკამენტების ღირებულების ანაზღაურებას.
- **ორსულობა/მშობიარობა** - ითვალისწინებს ორსულთა პატრონაჟისათვის საჭირო სამედიცინო მომსახურებების (ექიმის კონსულტაცია, ლაბორატორიული და ინსტრუმენტული გამოკვლევები, ამბულატორიული მანიპულაციები, მედიკამენტების ღირებულება) და ფიზიოლოგიურ მშობიარობასთან ან საკეისრო კვეთასთან დაკავშირებული სამედიცინო მომსახურების ღირებულების (სტანდარტული და/ან რენიშნული პალატის ხარჯები) ანაზღაურებას, პოლისის პირობების შესაბამისად. მომსახურება ორსულობა/მშობიარობა ვრცელდება თანამშრომელსა და მის (დაზღვეულ) მეუღლეზე.

- **სტომატოლოგია**

გადაუდებელი სტომატოლოგია - ითვალისწინებს კბილის მწვავე ტკივილისას პირველადი სტომატოლოგიური დახმარების (კბილის მწვავე ტკივილისას გაყუჩება (ანესთეზია), კბილის ამოღება (ექსტრაქცია)), დიაგნოსტიკური ღონისძიებებისა და ზემოთჩამოთვლილ პროცედურებთან დაკავშირებული მედიკამენტების ღირებულების ანაზღაურებას, ბარათის შესაბამისად.

გეგმიური სტომატოლოგიური მომსახურება (თერაპიული და ქირურგიული) - ითვალისწინებს სტომატოლოგიის კონსულტაციის, დიაგნოსტიკური ღონისძიებების, კბილის დაბეჭდვის, ქვებისა და ნადებების მოცილების (დახურული კიურეტაჟი ულტრასტომით და პოლირებით), კბილის ამოღების, გეგმიური ქირურგიული მანიპულაციებისა და ზემოთ ჩამოთვლილ პროცედურებთან დაკავშირებული მედიკამენტების ხარჯების ანაზღაურებას.

ორთოპედიული სტომატოლოგია - ითვალისწინებს ორთოპედის კონსულტაციის, დიაგნოსტიკურ ღონისძიებების, მოსახსნელი მთლიანი და/ან ნაწილობრივი პროთეზისა და მიკროპროთეზის, მეტალოკერამიკის, მეტალოპლასტმასის, პლასტმასის და ფოლადისა გვირგვინის, ჩანართის, უმეტალო კერამიკისა (გვირგვინების და ვინირების დამზადება) და ბიგელისებური პროთეზის ღირებულების ანაზღაურებას.

ორთოდონტიული სტომატოლოგია - ითვალისწინებს ორთოდონტის კონსულტაციის, დიაგნოსტიკურ ღონისძიებების, მოსახსნელი ორთოდონტიული ფირფიტოვანი აპარატისა და მოუხსნელი ორთოდონტიული აპარატის (ბრეის-სისტემა) ღირებულების ანაზღაურებას.

- **რთული სამედიცინო შემთხვევების მართვა** - ითვალისწინებს გამწვავებული დიაგნოსტიკისა და მკურნალობის სათანადო ტაქტიკისა და სქემის შერჩევის მიზნით, დარგის წამყვანი სპეციალისტების მონაწილეობით სამედიცინო კონსილიუმის ჩატარებას პირადი ექიმის სამსახურის ბაზაზე.
- **მკურნალობა საზღვარგარეთ** - ითვალისწინებს გეგმიური ჰოსპიტალური მომსახურებისა და გეგმიური ამბულატორიული მომსახურების ღირებულების დაფინანსებას საქართველოს საზღვრებს გარეთ. ანაზღაურების პირობები მოცემულია შესაბამისი სამედიცინო მომსახურების ქმედებაში.

- **სამოგზაურო დაზღვევა** (ვრცელდება თანამშრომლებზე) - ითვალისწინებს საზღვაგარეთ მოგზაურობისას გადაუდებელი სამედიცინო მომსახურების ხარჯების ანაზღაურებას.
- **სიცოცხლის დაზღვევა** (ვრცელდება თანამშრომლებზე) - ითვალისწინებს ბუნებრივი მიზეზის შედეგად დაზღვეულის გარდაცვალების გამო მოსარგებლისთვის სადაზღვევო თანხის ანაზღაურებას.

4. წინადადების ფასი

- 4.1.** წინადადების ფასი გამოსახული უნდა იყოს ეროვნულ ვალუტაში საქართველოს კანონმდებლობით განსაზღვრული ყველა გადასახდელის გათვალისწინებით.
- 4.2.** ხარჯები, რომლებიც სატენდერო წინადადების ფასში არ იქნება გათვალისწინებული, არ დაექვემდებარება ანაზღაურებას.
- 4.3.** წინადადების ფასად განიხილება სისტემის მეშვეობით შესყიდვის ელექტრონული ტენდერის შესაბამის ველში დაფიქსირებული ფასი.
- 4.4.** გამარჯვებულ პრეტენდენტთან ხელშეკრულება გაფორმდება ეროვნულ ვალუტაში.
- 4.5.** პრეტენდენტის მიერ მექანიკური შეცდომის დაშვების შემთხვევაში, როგორცაა არასწორი ჯამის ან ნამრავლის მითითება, სიტყვიერი და ციფრობრივი გამოსახულების შეუსაბამობა, შესაძლებელია შესწორდეს დაზუსტების გარეშე, ერთეულის ფასის უპირატესობის პრინციპის გათვალისწინებით, იმ შემთხვევაში თუ აღნიშნული არ აღემატება სისტემის შესაბამის ველში დაფიქსირებულ ფასს.

5. ანგარიშსწორების პირობები

- 5.1.** ანაზღაურება მოხდება შესაბამისი დოკუმენტის (ინვოისის) მიღების და შესაბამისი მიღება-ჩაბარების აქტის გაფორმების დღიდან 10 სამუშაო დღის ვადაში. არ გამოიყენება ავანსი და აკრედიტივი.

6. პრეტენდენტის მიერ ერთიან ელექტრონულ სისტემაში ასატვირთი მონაცემები:

- 6.1.** ინფორმაცია კომპანიის რეკვიზიტების შესახებ. (დანართი #2)
- 6.2.** შესაბამისი ორგანოს მიერ დაზღვევის სახეობის მიხედვით გაცემული ლიცენზია.

6.3. ინფორმაცია გამოცდილების შესახებ სამედიცინო დაზღვევის სფეროში, რომელიც უნდა მოიცავდეს კომპანიის საქმიანობის არანაკლებ ბოლო 5 წელიწადს.

6.4. ინფორმაცია პროვაიდერი სამედიცინო დაწესებულებების და აფთიაქების შესახებ დასახელების, მისამართებისა და ტელეფონების მითითებით;

ინფორმაცია პრეტენდენტებისთვის:

7.1. შემსყიდველი ორგანიზაცია ვალდებულია, კანონმდებლობით დადგენილი წესით, ერთიანი ელექტრონული სისტემის კითხვა/პასუხის მოდულის მეშვეობით, მიმწოდებლის მოთხოვნის შემთხვევაში, განახორციელოს სატენდერო განცხადებასთან და დოკუმენტაციასთან დაკავშირებით შესაბამისი დაზუსტება/განმარტება.

7.2. შემსყიდველ ორგანიზაციასა და მიმწოდებელს შორის ნებისმიერი მიმოწერა/შეტყობინების გაგზავნა ხდება სისტემის შესაბამისი მოდულის მეშვეობით და სისტემის გამოყენების გარეშე მიმოწერა/შეტყობინება სავალდებულო არ არის. მიმოწერა/შეტყობინება მიღებულად ჩაითვლება მისი სისტემაში ატვირთვის მომენტიდან.

8. სხვა პირობები

8.1. პრეტენდენტს უფლება აქვს წარმოადგინოს მხოლოდ ერთი სატენდერო წინადადება;

8.2. სახელმწიფო შესყიდვის ხელშეკრულების პროექტით დადგენილია აუცილებელი მინიმალური მოთხოვნები, რომელთა გაუმჯობესება არ ჩაითვლება ალტერნატიულ სატენდერო წინადადებად, აგრეთვე ალტერნატიულ სატენდერო წინადადებად არ ჩაითვლება სატენდერო განცხადებით დადგენილი სადაზღვევო პაკეტების პირობების გაუმჯობესება.

8.3. ელექტრონულ სისტემაში ატვირთული პრეტენდენტის მიერ შექმნილი ყველა დოკუმენტი ან/და ინფორმაცია ხელმოწერილი და ბეჭედდასმული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთული უნდა იქნეს მინდობილობა).

8.4. სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

8.5. სატენდერო წინადადება და წინამდებარე ელექტრონულ ტენდერთან დაკავშირებული ყველა დოკუმენტი(ებ)ი წარმოდგენილ უნდა იყოს ქართულ ენაზე; დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1	პრეტენდენტის იურიდიული ფორმა და დასახელება	
2	ხელმძღვანელის სახელი და გვარი	
3	პრეტენდენტის იურიდიული ან/და ფაქტიური მისამართი	
4	საიდენტიფიკაციო კოდი	
5	პრეტენდენტის საკონტაქტო ტელეფონის ნომერი	
6	ელექტრონული მისამართი	
7	საბანკო რეკვიზიტები	

ხელშეკრულება სახელმწიფო შესყიდვის შესახებ (პროექტი)№

(ხელშეკრულების პირობები დაზუსტდება გამარჯვებულ პრეტენდენტთან ხელშეკრულების გაფორმების პროცესში)

ხელშეკრულების მხარეები:

ერთი მხრივ, შპს „ჯორჯიან ტრანზიტი“ (ს/ნ 402020022)(შემდგომში - შემსყიდველი), წარმოდგენილი ----- სახით და მეორე მხრივ, ----- (შემდგომში - მიმწოდებელი), წარმოდგენილი ----- სახით, დებენ წინამდებარე ხელშეკრულებას შემდეგზე:

1.ხელშეკრულებაში გამოყენებულ ტერმინთა განმარტებები

1.1. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.

1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.3. „დღე“, „კვირა“, „თვე“ - შესაბამისად, კალენდარული დღე, კვირა, თვე.

1.4. „შემსყიდველი“ - ორგანიზაცია, რომელიც ახორციელებს შესყიდვას.

1.5. „მიმწოდებელი“ - პირი, რომელიც ახორციელებს მომსახურებას ხელშეკრულების ფარგლებში.

1.6. „მომსახურება“ – ხელშეკრულების მე-2 მუხლით გათვალისწინებული ხელშეკრულების საგანი.

1.7. მზღვეველი - « ----- » - პირი, რომელიც შექმნილია სადაზღვევო საქმიანობის განხორციელებისათვის და რომელსაც კანონით დადგენილი წესით მიღებული აქვს დაზღვევის შესაბამისი სახეობის განხორციელების ლიცენზია.

1.8. დამზღვევი - შპს „ჯორჯიან ტრანზიტი“ - პირი, რომელიც თავისი ან მესამე პირების სასარგებლოდ დებს დაზღვევის ხელშეკრულებას მზღვეველთან და იხდის პრემიის.

1.9. დაზღვეული - პირები, რომლებიც იმყოფებიან დამზღვევთან შრომით ურთიერთობაში, (და/ან ამ უკანასკნელთა ოჯახის წევრები, თუ ასეთი დაფარვა გათვალისწინებული და შერჩეულია) რომელთა სასარგებლოდაც ხორციელდება წინამდებარე ხელშეკრულებით გათვალისწინებული დაზღვევა.

2. ხელშეკრულების საგანი

2.1 მზღვეველი/მიმწოდებელი ვალდებულია გაუწიოს სადაზღვევო მომსახურება შემსყიდველის მიერ მითითებულ თანამშრომლებს წინამდებარე ხელშეკრულების პროექტის დანართი #1-ით („შესასყიდი მომსახურების მოცულობა და შესყიდვის ობიექტის ტექნიკური და ხარისხობრივი მაჩვენებლები“) გათვალისწინებული პირობების შესაბამისად, შემსყიდველის მიერ სადაზღვევო პრემიის ხელშეკრულებაში შეთანხმებული გადახდის გრაფიკის დაცვის სანაცვლოდ. (CPV 66510000)

2.2 წინამდებარე ხელშეკრულებისა და „დაზღვევის პირობების“ საფუძველზე „დაზღვეულისათვის“ გაიცემა შესაბამისი „სადაზღვევო ბარათები“. წინამდებარე ხელშეკრულება, „დაზღვევის პირობებთან“ და „სადაზღვევო ბარათებთან“ ერთად შეადგენს ერთ მთლიან შეთანხმებას „მხარეებს“ შორის.

3. ხელშეკრულების ღირებულება

3.1. ხელშეკრულების საერთო საორიენტაციო ღირებულებაა ----- ლარი, რაც მოიცავს დაზღვევის მომსახურების ღირებულებას და მომსახურების გაწევასთან დაკავშირებულ ნებისმიერ ხარჯსა და კანონმდებლობით გათვალისწინებულ გადასახადს 2017 წლის 31 დეკემბრის ჩათვლით.

3.2. შემსყიდველი უზრუნველყოფს დაზღვევის ღირებულების ანაზღაურებას, ყოველთვიურად მისი ფაქტობრივად დაზღვეული თანამშრომლების მომსახურების ღირებულებების ჯამის ოდენობით, წინამდებარე ხელშეკრულების შესაბამისად.

3.3. შემსყიდველი უფლებამოსილია ხელშეკრულების მოქმედების განმავლობაში გაზარდოს ან შეამციროს ყოველთვიურად დაზღვეულ თანამშრომელთა და მათი ოჯახის წევრების რაოდენობა.

4. მომსახურების გაწევის პირობები

4.1. სადაზღვევო პოლისების მიწოდება მოხდება ქალაქ თბილისში, თავისუფლების მოედანი #4 სახელმწიფო შესყიდვის ხელშეკრულების გაფორმების შემდეგ, შემსყიდველის მოთხოვნიდან 5 სამუშაო დღის ვადაში.

4.2. დაზღვეულებს უფლება აქვთ „დანართი #1 –ში“ განსაზღვრული პირობებით და წესით აირჩიონ სამედიცინო დაწესებულება, რომელშიც მათ სურთ სამედიცინო მომსახურების მიღება. მიმწოდებელი/მზღვეველი ვალდებულია აანაზღაუროს დაზღვეულის მიერ მიღებული სამედიცინო მომსახურების ღირებულება ამ ხელშეკრულების შესაბამისად.

4.3. შემსყიდველი უზრუნველყოფს სადაზღვევო პრემიის ხელშეკრულების მოქმედების მთელ პერიოდში გადახდას ყოველ კონკრეტულ თვეში დაზღვეული თანამშრომლების სადაზღვეო პრემიების ჯამის ოდენობით.

4.4. მიმწოდებელი ვალდებულია უზრუნველყოს დაზღვეულთა საოჯახო დაზღვევა მათი სურვილის შემთხვევაში. (საოჯახო დაზღვევასთან დაკავშირებულ დამატებით ხარჯებს გაიღებს თავად დაზღვეული თანამშრომელი).

5. ანგარიშსწორება

5.1. მიმწოდებელი ვალდებულია დაზღვეულს სამედიცინო მომსახურების ხარჯები აუნაზღაუროს ნაღდი და /ან უნაღდო ანგარიშსწორებით.

5.2. შემსყიდველის მიერ ანგარიშსწორება განხორციელდება ყოველთვიურად, თვის ბოლოს მიმწოდებლის მიერ მომსახურების ღირებულების დამადასტურებელი დოკუმენტის (ინვოისი) წარმოდგენიდან 10 დღის ვადაში.

5.3. შემსყიდველი უზრუნველყოფს მისი თანამშრომლების მომსახურების ღირებულების ანაზღაურებას, ხოლო თანამშრომლის ოჯახის წევრების დაზღვევის შემთხვევაში, საოჯახო დაზღვევისას დამატებით წარმოშობილი მომსახურების ღირებულების ანაზღაურებას უზრუნველყოფს თავად შემსყიდველის თანამშრომელი.

5.4. საოჯახო დაზღვევის პაკეტის ღირებულება განისაზღვრება „დანართი 1 –ის“ შესაბამისად.

5.5. მიმწოდებელი ვალდებულია დაზღვეულს სამედიცინო მომსახურების ხარჯები აუნაზღაუროს უნაღდო/ნაღდი ანგარიშსწორებით.

6. მხარეთა უფლება-მოვალეობანი

6.1. მზღვეველი/ მიმწოდებელი ვალდებულია:

6.1.1. დადოს სადაზღვევო ხელშეკრულება და გასცეს შესაბამისი სადაზღვევო ბარათი ხელშეკრულების დადებიდან 5 დღის ვადაში, თუ ეს არ ეწინააღმდეგება წინამდებარე წესებს;

6.1.2. დამზღვევის/შემსყიდველის მიერ ხელშეკრულებაში მითითებული გრაფიკის შესაბამისად გადახდილი სადაზღვევო პრემიის საფუძველზე სადაზღვევო შემთხვევის დადგომისას აუნაზღაუროს დაზღვეულს (ან მოსარგებლეს) ზარალი წინამდებარე ხელშეკრულებით განსაზღვრული პირობების შესაბამისად;

6.1.3. უზრუნველყოს და პერმანენტულად გააკონტროლოს სადაზღვევო მომსახურებისა და

ბარათით გათვალისწინებული სამედიცინო მომსახურების ხარისხი;

6.1.4. დაიცვას და არ გაახმაუროს დამზღვევთან საქმიანი ურთიერთობების შედეგად მოპოვებული ინფორმაცია, გარდა საქართველოს კანონით პირდაპირ გათვალისწინებული შემთხვევებისა;

6.1.5. აანაზღაუროს სამედიცინო მომსახურების ხარჯები წინამდებარე ხელშეკრულებით და დანართებით გათვალისწინებული პირობების შესაბამისად, სადაზღვევო შემთხვევის დადგენისა და ხარჯის ოდენობის განსაზღვრის შემდგომ 10 სამუშაო დღის ვადაში.

6.1.6. სადაზღვევო შემთხვევის დადგომის შემთხვევაში, სადაზღვევო შემთხვევის დადგენისა და სადაზღვევო ანაზღაურების ოდენობის განსაზღვრისათვის დამზღვევის/დაზღვეულის მიერ ყველა საჭირო დოკუმენტის წარმოდგენის შემდგომ შეასრულოს დაზღვევით ნაკისრი ვალდებულება დროულად და ჯეროვნად;

6.2. მზღვეველი/მიმწოდებელი უფლებამოსილია:

6.2.1. დამზღვევის/შემსყიდველის მხრიდან ხელშეკრულების პირობებისა და პრემიის გადახდის გრაფიკის დარღვევის შემთხვევაში შეაჩეროს და/ან შეწყვიტოს სადაზღვევო ხელშეკრულება.

6.2.2. არ გასცეს სადაზღვევო ანაზღაურება ხელშეკრულებითა და დანართით გათვალისწინებული წესების დარღვევის შემთხვევაში.

6.2.3. არ გასცეს სადაზღვევო ანაზღაურება დაზღვეულის მიერ (ან დაზღვეულის თანამონაწილეობით) სადაზღვევო შემთხვევის დადგომის ფაქტის და/ან ანაზღაურების მიღებისათვის აუცილებელი დოკუმენტების გაყალბების, ასევე, ყალბი ინფორმაციის წარმოდგენის ფაქტის გამოვლენის შემთხვევაში. ხოლო თუ ანაზღაურება უკვე გაცემულია, დამზღვევი ვალდებულია უპირობოდ დაუბრუნოს იგი მზღვეველს; ამასთან ყოველი ასეთი პირის დაზღვევა მზღვეველის მხრიდან ექვემდებარება გაუქმებას.

6.2.4. მომსახურების ხარჯების ანაზღაურების გაცემის შემდეგ, მზღვეველი იტოვებს უფლებას მოითხოვოს შესაბამისი ხარჯების კომპენსაცია იმ პირთაგან, რომლებიც პასუხისმგებელნი არიან დაზღვეულის ჯანმრთელობისთვის მიყენებულ ზიანზე.

6.3. დამზღვევი/შემსყიდველი ვალდებულია:

6.3.1. დეტალურად გააცნოს წინამდებარე დაზღვევის პირობები დაზღვეულებს;

6.3.2. უზრუნველყოს მზღვეველისათვის იმ დოკუმენტაციის სრულად გადაცემა რომლის საფუძველზეც, მზღვეველი უფლებამოსილი იქნება მოითხოვოს რეგრესული ანაზღაურება პირებისგან, რომლებიც პასუხისმგებელნი არიან დაზღვეულისათვის მიყენებულ ზიანზე.

6.3.3. დაზღვეული პირის სამსახურიდან წასვლის შემთხვევაში შეატყობინოს მზღვეველს წინამდებარე ხელშეკრულებით განსაზღვრული ინფორმაცია;

6.3.4. გადაიხადოს სადაზღვევო პრემია მზღვეველთან შეთანხმებული წესის მიხედვით ყველა დაზღვეულზე სრულად.

6.3.5. საჭიროების შემთხვევაში გადასცეს მზღვეველს ინფორმაცია დაზღვეულის დაზღვეულ პირთა შესახებ.

6.3.6. სადაზღვევო მომსახურების კოორდინაციისა და ხარისხის მუდმივი კონტროლის მიზნით გამოყოს მზღვეველთან საკონტაქტო პირი;

6.4. დამზღვევი უფლებამოსილია:

6.4.1. სადაზღვევო შემთხვევის დადგომისას მოითხოვოს მზღვეველისაგან ზარალის ანაზღაურება წინამდებარე ხელშეკრულების და მისი დანართის შესაბამისად.

7. მხარეთა პასუხისმგებლობა

7.1. წინამდებარე ხელშეკრულებით ნაკისრი ვალდებულებების შეუსრულებლობისათვის მხარეები პასუხს აგებენ ამ ხელშეკრულების და საქართველოს კანონმდებლობის შესაბამისად.

7.2. პირგასამტეხლოს გადახდა არ ათავისუფლებს მხარეებს ხელშეკრულებით ნაკისრი ვალდებულებების შესრულებისაგან.

8. ხელშეკრულებით ნაკისრი ვალდებულებების შესრულების ინსპექტირება

8.1. ხელშეკრულებით ნაკისრი ვალდებულებების შესრულების ინსპექტირებას განახორციელებს შემსყიდველის მიერ განსაზღვრული პირი.

8.2. ინსპექტირება გულისხმობს მიმწოდებლის მიერ ხელშეკრულების პირობების შესრულების და/ან გაწეული მომსახურების ხარისხის კონტროლს.

8.3. ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

9. პირგასამტეხლო ხელშეკრულების პირობების შეუსრულებლობისათვის

9.1. ხელშეკრულებით ნაკისრი ვალდებულების შესრულების ვადის გადაცილების შემთხვევაში, მხარეს დაეკისრება პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0,1%-ის ოდენობით.

9.2. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 10 (ათი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

9.3. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

10. ხელშეკრულებაში ცვლილების შეტანა და ხელშეკრულების შეწყვეტა

10.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

10.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

10.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

10.5. მხარე ვალდებულია 10.4 პუნქტით გათვალისწინებულ გადაწყვეტილების მიღების განზრახვის შესახებ არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს.

10.6. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

11. დაუძლეველი ძალა

11.1 მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

11.2 თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან;

11.3 მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

12. დავები და მათი გადაწყვეტის წესი

12.1 ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

13. რეგრესის უფლება

13.1. “სადაზღვევო ანაზღაურების” გაცემის შემდეგ “მზღვეველზე” გადადის რეგრესული ანაზღაურების მოთხოვნის უფლება, რომელიც “დამზღვევეს” (“დაზღვეულს”, “მოსარგებლეს”) გააჩნია “უბედური შემთხვევის” შედეგად მიყენებულ ზიანზე პასუხისმგებელი პირის მიმართ.

13.2. “დამზღვევი” (“დაზღვეული”, “მოსარგებლე”) ვალდებულია ხელი შეუწყოს და გადასცეს “მზღვეველს” ყველა მასთან არსებული დოკუმენტი და მიიღოს ყველა ზომა, რათა მოხდეს “მზღვეველის” ამ მუხლით განსაზღვრული უფლების რეალიზება.

14. სხვა პირობები

14.1 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

14.2 ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი პირი მიმწოდებელთან და ერთი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

14.3 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

14.5 მხარეთა შორის დავა წყდება ურთიერთშეთანხმების საფუძველზე, ხოლო შეთანხმების მიუღწევლობის შემთხვევაში, წინამდებარე ხელშეკრულებიდან გამომდინარე ნებისმიერ დავას საბოლოო გადაწყვეტისათვის მხარეები განსახილველად გადასცემენ საქართველოს საერთო სასამართლოს.

15. ხელშეკრულების მოქმედების ვადა

15.1. წინამდებარე ხელშეკრულება მოქმედებს 2017 წლის 1 იანვრიდან 2018 წლის 31 იანვრის ჩათვლით.

15.2. დაზღვევა მოქმედებს 2017 წლის 1 იანვრიდან 2017 წლის 31 დეკემბრის ჩათვლით.

15.3. წინამდებარე ხელშეკრულების ფარგლებში, თითოეული “სადაზღვევო ბარათი” გაიცემა ამავე ხელშეკრულების მოქმედების პერიოდის დასრულებამდე ვადით.

„დანართი 1” (-----)

შემსყიდველის რეკვიზიტები:

მიმწოდებლის რეკვიზიტები:
